

Transkription von Urkunde HST 1385c

Ort, Datierung: Stralsund, 1385-09-04

Signatur: Stadtarchiv Hansestadt Stralsund, StU 0521 [\[online\]](#)

Inhalt: Johannes Vend: Quittung

Al den ghenen den desse breef to zeende kûmt edder tho hørde den begere Ik / Joha(n)nes vend eyn canonic vne eyn p(ro)curator der doemheren vnde des Capit=/tels to der Ryghe . heyl vnde zalde in gode . vnde beke(n)ne openbar met dessr schrift . / dat ik van zunderliker gûnste vnde vru(n)dscop der vorzichtigen eerbarn heren/ der borghermestere vnde des gantsen rades der stat to deme Stralessunde / des maendages vor vnser anderen vruwen dage van en in redeme gelde vp / bôrde achtentich mark vnde hundert sundesches pagime(n)tes . vor de rente der / dryer duzent mark de ze to zik nemen van deme verkope des gûdes to deme / wulueshagen wante ze der vorbenomeden rente eer nycht vd dorften hebben / gegeuen eer desme negesten sûntte michelis daghe wolden ze it my nycht / zunderliken to gûde hebben getoghen . to ener zekeren bekantnysse vnde tугy(n)=/ge der vntfangynge desser vorbenomeden rente zo hebbe ik vorbenomede Joh(ann)es / vend myen eyghen Ingezegel vnde zunderliken Johans Butym eyn borgher / to deme sunde also eyn tûch zyen Ingezegel an dessen bref gehangen dit is / gesceen vnde gegeuen . Na der Boerd vnser heren . In deme . M^o . CCC^o . vnde / deme vif vndeachtentichten Iare des vorbenomeden maendages vor vnser an=/deren vruwen daghe